



**Francisci Monacelli Eugubini J. U. D. Protonotarii
Apostolici, olim Ecclesiae Venusinae, ac deinde Aesinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad
Officium Judicis nobile, continentur ; Opus Episcopis, Vicariis Generalibus,
Aliisque Iurisdictionem quasi Episcopalem exercentibus: necnon
Confessariis, Parochis, Cancellariis, cæterisque in dicto Foro versantibus,
apprimè utile ...

Monacellus, Franciscus

Venetiis, 1706

Licentiæ Ecclesiae, sive Oratorium ædificandi Formula X.

[urn:nbn:de:hbz:466:1-62406](https://nbn-resolving.org/urn:nbn:de:hbz:466:1-62406)

Lucubr. can. lib. 3. tit. 41. de celebrat. Missar. num. 10. vers. deinde, Tondut. quest. benef. tom. 2. part. 3. cap. 162. nu. 3. Verùm hæc velim accipias sub censura ejusdem Sac. Congregationis.

9. Sicuti posset Missas reducere, quando Testator illi facultatem dedit in Testamento, Barbol. de offic. & potestat. Episcop. alleg. 29. n. 17. ubi Decretum S. C. C. allegat.

Licentiæ Ecclesiam, sive Oratorium publicum ædificandi.

FORMULA X.

SUMMARIUM.

- 1 Ratio augendi cultum Divinum, & fovendi populi pietatem, est præcipua in elargiendis gratiis.
- 2 Ecclesiæ edificari non possunt sine licentiâ Episcopi, nisi expressè per indultum Pape consensus illius suppleatur.
- 3 Episcopus licentiâ pro Ecclesiæ ædificatione, concurrente causa, non debet denegare, aliâs datur recursus ad Superiorem, qui supplet illius consensus.
- 4 Dos non requiritur de necessitate in ædificatione Ecclesiæ, sed in consecratione.
- 5 Ecclesiæ edificantur, ut in ea Missæ Sacrificium celebretur.
- 6 In Ecclesiæ ædificatione onera Missarum parce taxanda sunt, & licentiâ construendi non omnibus concedenda.
- 7 Episcopus non potest erigere Collegiâtam.
- 8 Parochus non potest impedire novæ Ecclesiæ ædificationem, quoties ejus jura præserventur, & afferuntur Decreta n. 9. 10. 11. 12. 13. & 14.
- 15 Parochiani non coguntur, sed hortantur audire Missam in Ecclesia Parochiali diebus festis.
- 16 Quæ sint jura Episcopalia enumerantur.
- 17 Ecclesia non debet habere portam, qua transitus habeatur in Domum contiguam, neque aliam servitutem passivam, quam nemo illi imponere potest sine beneplacito Apostolico.
- 18 Patrono Ecclesiæ potest Episcopus in fundatione reservare servitutem prospectus, si sit Princeps, aut aliâs benefactor insignis.
- 19 Oblationes, quæ sunt Oratoriis, seu Cappellis sitis intra Parochiam, debentur Parocho.
- 20 Fallit regula in pluribus casibus, qui adducuntur, & num. 21.
- 22 Ecclesiæ Parochial. privatè competit jus Sepulchri, aliis verò ex privilegio Episcopi.
- 23 Episcopus in concessione licentiæ pro constructione novæ Ecclesiæ debet conditionem apponere ne in solemnioribus anni festivitibus ibidem celebretur Missa.
- 24 Ecclesia fundata auctoritate Episcopi, licet non benedicta, gaudet immunitate.
- 25 Ecclesia Cathedralis præsumitur consecrata, alia verò inferior præsumitur benedicta, si Missæ ibidem celebrentur.
- 26 Ecclesia auctoritate Episcopi benedicta, si polluitur, potest delegatione ejusdem per simplicem Sacerdotem reconciliari; si verò sit consecrata non poterit reconciliari nisi per Episcopum.
- 27 Quibus modis polluitur Ecclesia.
- 28 Ecclesia non remanet polluta nisi delicta per quæ polluitur sint publica.
- 29 Episcopus potest transferre diem dedicationis Ecclesiæ ad alium diem magis congruum.

N. Episcopus N.

Cum summa sit ratio, quæ pro pietate, & religione facit, & ad ea, quæ tendunt ad Divini cultus augmentum, proni esse debeamus: ideo attentis narratis, & aliis justis de causis animum nostrum dignè moventibus, facta prius per Orato-

Oratorem in Actis nostræ Cancellariæ obligatione in forma juris valida (quatenus Dos in bonis stabilibus fructiferis non assignetur) manutenendi perpetuò fabricam, & suppellectilia necessaria, & decencia tam pro ornamento Altaris, quam pro celebratione Missæ, ac celebrari faciendi saltem tres Missas in die Sancti Titularis, licentiam, & facultatem Oratorii, Ecclesiam in loco in precibus expresso ædificandi, & construendi sub titulo S. N. salvis tamen. *Et reservatis juribus Parochialibus, & Episcopalibus*, concedimus. Dummodo tamen Ecclesia construenda habeat januam in via, & loco publico, nullaque in ea adfit communicatio, five transitus ad Domum vicinam, neque è Domo in eam prospectus, aut alia servitus existat. Sacramenta in ea absque Parochi expressa licentia non administrantur, neque oblationes, aut eleemosynæ à nemine recipiantur, neque sepulchrum construatur, neque in die Paschatis Resurrectionis, nec in die Pentecostes, & Nativitatis Domini Nostri Jesu Christi Missa celebretur. Prima autem Missa postquam Ecclesia erit constructa non celebretur, nisi priùs à Nobis, vel alio Deputato fuerit benedicta, & licentia celebrandi concessa: & præsens licentia una cum precibus, & obligatione Oratorii in nostra Cancellaria registretur. In quorum, &c. Datum, &c.

N. Episcopus N.

Loco ✠ Sigilli.

N. Cancellarius Episcopalis.

ADNOTATIONES.

1 PRO PIETATE, ET RELIGIONE FACIT. Ratio augendi cultum Divinum, & fovendi fidelium pietatem in elargiendis gratiis, præcipua semper fuit apud Apostolicam Sedem, ut habetur in cap. ex parte de consuet. cap. fin. de rescript. in 6. & sic Episcopus eandem rationem allegat concessiohis, quæ fulcitur etiam lege civili in l. sunt personæ, ff. de relig. & sump. funer. ex qua desumptum est aphorismum, quod summa est ratio, quæ pro pietate, & religione facit.

2 ALIIS JUSTIS DE CAUSIS. Nova Ecclesia erigi non potest sine Episcopi licentia, cap. quicumque 16. qu. 7. cap. lator 16. quæst. 5. cap. nemo de consuet. & cap. auctoritatem de privil. in 6. Et hoc verum est etiam si quis haberet privilegium Ecclesias ædificandi, quia intelligitur sine præjudicio juris Episcopi: Etenim, ut possit hoc fieri sine Episcopi consensu, requiritur, quod specialiter in indulto exprimat, nam tunc Papa auctoritate qua pollet, dicitur supplere illius

consensum, Tambur. de jur. Abb. tom. 1. disput. 15. qu. 7. nu. 16. Graff. cons. lib. 3. de jure pair. cons. unico nu. 1. Pasqualig. ad Laurent. de Franch. par. 1. n. 507. & ita responsum fuit à Sac. Congreg. Concilii in Sulmonen. Interdicti 24. Januarii 1699. contra Præceptorem S. Spiritus in Saxia, qui Ecclesiam construxerat absque licentia Episcopi, nixus suis privilegiis, sublatis hodiè à Concil. Trid. sess. 22. de celebr. Miss. & cap. 3. sess. 25. de regular.

3 Concurrentibus tamen rationabilibus causis, licentiam denegare non debet, aliàs irrationabiliter renuendo, daretur recursus ad Archiepiscopum, vel Sac. Congregat. Concilii pro supplendo Ordinarium consensu, Barbos. de offic. Episcop. allegat. 26. num. 1. vers. in ædificanda: Amostaz. de caus. piis lib. 5. cap. 2. numer. 31. prout contingit in una Forolivien. favore Barattæ, qui cum ab Ordinario consensum pro constructione Ecclesiæ ruralis non potuisset obtinere, obtinuit, Episcopo contradicente (non tamen rationabiliter) 16. Januarii 1694. rescriptum -- licentiam esse concedendam

dam sine præjudicio jurium Parochialium.

4 **FACTA A PRIUS OBLIGATIONE.** Quamquam in cap. placuit 1. quæst. 2. in cap. nemo de consecr. dist. 1. & in cap. cum sicut ubi glos. de consecr. Eccles. vel altar. habeatur, quod antequam Episcopus consensum præstet super Ecclesiæ ædificatione, assignare faciat Dotem, hæc tamen de juris rigore (quidquid dicat in contrarium Lauret. de Franch. par. 1. nu. 465.) non exigitur nisi in consecratione, prout desumitur ex cap. piæ mentis 16. qu. 7. & pluries declaravit Sac. Congreg. Episcoporum. cujus Decreta refert Nicol. lucubr. Canon. lib. 5. tit. 33. nu. 7. limit. 4. & tenuit nuper Sac. Congr. Concil. in Nullius Galeat. 27. Novembr. 1694. Ideoque in licentia pro ædificatione Ecclesiæ, quæ inservit pro commoditate audiendi Missam, sufficit, quod fiat obligatio omnium bonorum construentis pro illius manutentione.

5 **AC CELEBRARE FACIENDI SALTEM TRES MISSAS.** Inconveniens enim esset, quod in Ecclesia auctoritate Episcopi erecta, numquam ex obligatione Missa litaretur, cum ad hunc effectum Altaria ibidem erigantur. Quoniam si devotioni tantum hæredum fundatoris committenda, & relinquenda esset, Missæ celebratio facile periret, ut passim experientia demonstrat, & Ecclesia derelicta remaneret, & esset destrueda, juxta monitum cap. si quis Basilicam cap. Ecclesiæ, & per tot. dist. 1. de consecr.

6 Hinc propterea injungitur obligatio trium Missarum annuatim in die festo Sancti Titularis per modum exempli, quomodo gravetur ædificans, & in ævum quantum fieri potest certa reddatur Sacrificii immolatio, & Ecclesiæ manutentio. Cæterum inspecta ædificantis possibilitate, loci qualitate, & Ecclesiæ spectabilitate, poterit Episcopus majorem numerum Missarum in aliis anni solemnitatibus taxare, parcetamen, quia agitur de onere perpetuo: advertendo, quod hujusmodi licentiæ passim concedendæ non sunt, & nisi personis facultatibus, vel cautione idoneis, ut possint promissa futuris temporibus adimplere.

7 **ECCLESIAM.** Non tamen Collegiatam, quia hæc à solo Papa erigitur, ut probant Decreta relata à Nicol. in flos. verb. Collegiata nu. 1. Et licet non desint DD. qui tenent, posse Ecclesiam Collegiatam erigi sola Episcopi auctoritate, quos adducit, & rejicit Amostaz. de caus. piis lib. 5. cap. 2. nu. 33. Nihilominus horum opinio reprobatur non solum à praxi Dataria, sed etiam juris principio, & dispositione, un. l. 3. ff. de colleg. illicit. Glos. in cap. fin. verb. novam religionem de relig. Dom. & à Lotter. de re benef. lib. 1. quæst. 14. nu. 46. & 47. Tondut. quæst. benef. tom. 2. par. 3. cap. 193. nu. 11. & 12. Capon. discept. 288. num. 2. & 3. & nuper declaravit Sac. Congr. Concil. in Catanien. erectionis Collegiatae 1. Septembris 1691. in qua cum quæsitum fuisset -- An erectio Collegiata facta per Episcopum in actu Visitationis Ecclesiæ S. Antonii Oppidi S. Philippi de Agira sustineretur, responsum fuit Negative: Neque Curam suppressere, ut erigat Dignitatem Sac. Congreg. Concil. in Pientina 14. Februarii 1693.

8 **RESERVATIS JURIBVS PAROCHIALIBVS.** Hæc clausula in licentia erigendi novas Ecclesias necessariò apponenda est, quia Episcopus juribus Parochialibus præjudicium inferre non potest: & quamvis Ricc. prax. for. Eccles. par. 4. resol. 298. teneat, quod intra fines Parochiæ nova Ecclesia ædificari non debeat, nisi concurrat etiam consensus Parochi: hæc tamen doctrina non debet intelligi, quando Ordinarius id permittat, non reservatis juribus illius: quia si hæc præservata remanent, Parochus non valet se opponere, ut frequenter decisum habemus ab utraque Congregatione, & præcisè.

9 In una Januen. in qua cum Nobilis Mulier Anna Adurna obtinisset ab Archiepiscopo licentiam parvam Ecclesiam ruri ædificandi tam pro commoditate propria, quam loci incolentium, se se opposuit Parochus Sanctæ Margheritæ Marasii, Causaque per viam recursus delata ad Sac. Congreg. Episcoporum. & Regular. referente Eminentissimo Sacchetto sub die 5. Septembris 1692. prodit rescriptum -- concedendum esse ædificationem

nem arbitrio Ordinarii, salvo iuribus Parochialibus.

10. In *Nucerina*: in qua volens Dominicus Cagnucci edificare publicum Oratorium in Villa Dignani, se se opposuit Parochus, non solum ob subtractionem, quam timebat elemosynarum, sed ob diminutionem concursus populi sine quo nec Processiones facere, nec pueros, adultosque rudiores docere Doctrinam Christianam potuisset. Episcopus tamen in actu Visitationis licentiam pro constructione novæ Ecclesiæ concessit, nonnullis conditionibus qualificarum, & sine præjudicio iurium Parochialium, à quo Decreto recurrens Parochus ad eandem Sac. Congregationem, & referente Eminentissimo D. Card. Acciajolo sub die 12. Martii 1693. responsum fuit -- *Serventur disposita per Episcopum, & idem tenuit in Piacentina Oratorii 20. Maii 1697. referente clar. mem. Card. Petrucci, Parocho, ac etiam Episcopo reluctans.*

11. In *Maceraten.* Exoptans Bartholomæus Accursus in Oppido Montis Miloni Ecclesiam ædificare, & Dotem pro illius manutentione assignare, Parochus se opposuit qua oppositione non obstante, delata causa per viam recursus ad Sac. Congreg. Concilii sub die 10. Maii 1687. licentiam Accursus concessit -- *Cum obligatione congruæ Dotis, & salvo iuribus Parochialibus.*

12. In *Theatina.* Baro Joseph Foppus pro commoditate Colonorum Ecclesiam auctoritate Ordinarii ruri ædificavit, & cum vellet in ea Cappellaniam perpetuam cum onere Missarum erigere, consensum Archiepiscopi successoris non potuit obtinere, ex quo Ecclesia non esset in loco, & via publica, tum quia per erectionem Cappellaniæ Villici propriam Parochiam deseruissent: ideoque habito per dictum Baronem recurso ad eandem Sac. Congr. Concilii, propositoque, Archiepiscopo etiam informante, dubio -- *An precibus Baronis esset annuendum, die 29. Julii 1690. responsum fuit -- Affirmative.*

13. In *Forolivien.* Cæsar Maria Baratta, volens fabricam publici Oratorii Ruri cœptam complere, se opposuit Parochus ob proximitatem Ecclesiæ Parochia-

lis; cui oppositioni adhærens Episcopus (qui noluit licentiam concedere) recursum habuit Baratta ad eandem Sac. Congreg. Concilii, à qua audito Episcopo, & nihil, quod posset obstare, deducto, die 16. Januarii 1694. fuit resolutum -- *Licentiam esse concedendam sine præjudicio iurium Parochialium.*

14. In *Ravennaten.* Quondam Franciscus Secchius ob commoditatem populi, mandavit in suo Testamento, quod ex suis bonis erigi deberet in certo loco nova Ecclesia Parochialis, & pro indemnitate Parochi, à quo pars Parochianorum separari debebat, legavit eidem Prædium annui redditus scut. 18. Huic dispositioni acriter se opposuit Parochus ob præjudicia suæ Ecclesiæ: Causaque proinde delata ad eandem Sac. Congr. Concilii, propositoque Dubio -- *An esset facienda erectio novæ Parochialis in alio loco, quam destinato per Testatorem, & sub quibus conditionibus? prodiit, partibus informantibus, resolutio -- affirmative, & quo ad locum, & conditiones, arbitrio Archiepiscopi.*

15. Ex quibus resolutionibus liquet, quod præjudicium proveniens Ecclesiis Parochialibus ex diminutione concursus, & elemosynarum, penitus contemnitur, & Parochi semper succumbent, quoties hoc clypeo velint se opponere ædificationi novarum Ecclesiarum. Etenim cum hodiè Parochiani non possint cogi ad audiendam Missam diebus festis in Ecclesia Parochiali, ut olim servabatur juxta dispositionem Textus in cap. cum Dominicus de Paroch. & communiter tenent relati à Barbof. de Paroch. cap. 21. num. 2. sequitur, quod constructio novæ Ecclesiæ, quæ est valdè pia, & religiosa cap. final. dist. 96. pro sola Missæ celebratione non debeat impediri, neque Parochiani coarctandi, ut diebus festis ad Parochiam accedant, prout moris antea fuit, Sac. Congregat. Concil. in Fulginaten. 7. Julii 1696. sunt tamen hortandi juxta Concilii Trident. verba sess. 24. cap. 4. de reform.

16. **ET EPISCOPALIBUS.**
Jura Episcopalia, quæ in licentia referantur, sunt *Cathedraticum, cap. conquirente de offic. Ordin. Quarta Decimarum, cap.*

cap. quoniam de decim. Quarta mortuario-
rum, gloss. in dict. cap. conquerente. Procu-
ratio, cap. venerabili de cens. Caritativum
subsidiū, cap. cum Apostolus de cens. visi-
tatio, quæ Episcopus à se abdicare non po-
test, Graff. dec. aur. part. 2. lib. 3. cap. 27.
nu. 73. & 80. Fagnan. in dict. cap. conquere-
rente à nu. 11. usque ad 38. de offic. ordin.

17 **SIVE TRANSITVS**. Eccle-
sia non debet habere portam, qua transi-
tus habeatur in Domum contiguam, ne-
que è Domo in eam prospectus aperiri,
nec aliam servitutem passivam, quam
nemo illi imponere potest sine beneplacito
Apostolico, Barbof. Summ. decis. Apostol.
collect. 301. nu. 16. Gavant. manual. Epi-
scop. verb. Ecclesia num. 27. Nicol. in flosc.
verb. fenestra num. 1. & probatum fuit su-
pra in adnot. ad formul. Edicti de reverent.
debit. Eccles.

18 Nisi fortè in limine foundationis ali-
cui Principi loci Domino, aut alio insi-
gni Benefactori, utpotè quia una cum Ec-
clesia erexerit pingue Beneficium Eccle-
siasticum, cum hac lege habendi prospe-
ctum, reservaretur. Tunc ne laici à fun-
dationibus retrahantur, cum possit Epi-
scopus leges, & conditiones etiam juri
contrarias admittere, non diceretur ali-
quod contra jus attentare; sed posset Ec-
clesiam cum hac lege fundatam, validè
huic servituti subiicere, ad tradita per Lot-
ter. de re benefic. lib. 1. qu. 32. per tot. & præ-
sertim nu. 15. & 16.

19 **NEQUE OBLATIONES
AUT ELEEMOSYNÆ**. Regula
est juris, quod oblationes, & eleemosy-
næ, quæ à fidelibus fiunt, & offerun-
tur Cappellis, Oratoriis, & Ecclesiis,
existentibus intra limites Parochiæ, de-
beantur Parocho, ut de communi tradunt
Capon. discept. 77. per tot. Amostaz. de
caus. piis par. 1. lib. 4. cap. 1. Tondut. qu. be-
nefic. tom. 1. par. 1. cap. 63. numer. 8. &
seqq. Rot. coram Merlin. decis. 257. à num.
1. ad 11. Adden. ad Pamphil. decis. 272.
num. 6.

20 Fallit tamen regula. Primò, quan-
do constat explicitè de contraria offeren-
tium voluntate, tunc enim Parochus li-
cèt sit oblationum Administrator, debet
exequi mentem offerentis. Secundo, fal-

lit si agatur de oblationibus factis alicui
Imagini miraculosæ in magna quantita-
te, quia tunc Episcopus potest recogno-
scere administrationem, ut dicit Carol.
Ant. de Luc. ad Ventrigli. prax. par. 2. an-
not. 26. & declaravit Sac. Congr. Concil.
in Civitatis Ducalis oblationum 22. Martii
1698. an scilicet applicentur pro fabrica
Ecclesiæ, pro supellectilibus sacris, & pro
celebratione Missarum in suffragium be-
nefactorum, qui eleemosynas elargiti fue-
runt, juxta præscriptum Decreti Sac. Con-
gr. Episc. & Regul. emanatum in Treventina
22. Junii 1594.

21 Tertio, fallit si fierent Ecclesiæ,
quæ haberet proprium Rectorem, quia
tunc oblationum administratio non ad Pa-
rochum, sed ad Ecclesiæ Rectorem specta-
ret, ut inquit Zaul nunc meretissimus V. Ge-
rens observ. ad Stat. Favent. lib. 3. rubr. 21.
nu. 71. Quarto, fallit quando oblationes
fiant in Oratoriis Confraternitatum laico-
rum, quia tunc Parochus non se ingerit,
sed illarum administratio ad Officiales So-
cietatis pertinet, ut declaravit Sac. Con-
gregat. Concilii in Lunen. Sarzanen. 19. Au-
gusti 1690. in responsione ad sextum.

22 **NEQUE SEPULCRVM
CONSTRVATUR**. Sepulchrum de
jure competit privativè Ecclesiæ Paro-
chiali, cap. fraternitatem: cap. ex parte:
cap. cum liberum de sepult. aliis verò Ec-
clesiis ex privilegio, & concessione Epi-
scopi, cap. Ecclesias 13. quæst. 1. Samuel.
de sepult. tract. 1. disput. 3. contr. 8. num. 2.
Barbof. de jure Eccles. lib. 2. cap. 10. nu. 11.
quod tamen sine aliqua justa causa conce-
dere non deberet, ut dicit Sebast. Medic.
de sepult. qu. 10. nu. 5. in fine.

23 **NEC MISSA CELEBRE-
TVR**. Sicuti de stylo Dataria Aposto-
licæ, in Indultis, quæ expediuntur pro
concessione Oratorii privati favore Do-
micellorum, & personarum nobilium,
solet apponi clausula, quod Missa in
his non celebretur in die Pascatis, Pen-
tecostes, & Nativitatis Domini, ut te-
statur Barb. de Paroch. cap. 1. nu. 26. con-
gruentius apponenda videtur in licentia,
quæ datur ab Episcopo pro erectione no-
væ Ecclesiæ, præsertim ruralis; ad hoc
ut in dictis solemnioribus anni festivitati-
bus

tibus Parochialis debito obsequio Parochianorum non fraudetur, & memoria eorumdem subjectionis non amittatur, sed renovetur, Tondut. *quæst. benefic. tom. 1. cap. 63. num. 18.*

24. **NSI PRIUS FUERIT BENE-DICTA.** Quod Ecclesia constructa, & fundata auctoritate Episcopi nondum benedicta, nec consecrata gaudeat immunitate, ex *cap. fin. de consecr. tenet Bellet. disp. Cleric. part. 1. de favor. Cleric. real. §. 4. num. 27.* & quod non præsumatur benedicta neque consecrata, nisi probetur saltem unico Teste Barbof. *de offic. & potestat. Episcop. alleg. 27. num. 5.*

25. At quod Ecclesia Cathedralis præsumatur consecrata, & dicenti contrarium incumbat onus probandi, ex *Text. in c. omnes Basilicæ de consec. dist. 1. firmat Rota cor. Manzan. decis. 801. num. 11. Ricc. prax. resol. 479. tit. 1. & alia inferior præsumatur benedicta, si constet pluries ibidem Missas celebratas fuisse, & quod tunc gaudeat immunitate, distinguit Ambros. *de immunit. cap. 10. n. 2.**

26. Ecclesia, quæ est tantum ab Episcopo, vel habente facultatem benedicta, non verò consecrata, si polluat, poterit delegatione ejusdem Episcopi per quemcunque Sacerdotem reconciliari aspersione aquæ Iustralis, ut habetur in Rituali Romano, & probant Sayr. *de censur. l. 5. cap. 16. num. 32. Nicol. lucubr. can. lib. 5. tit. 39. de pollut. Eccles. num. 257. Piafec. prax. Episc. part. 1. cap. 2. art. 4. n. 9.* Si verò esset consecrata, non poterit reconciliari nisi per Episcopum, qui talem facultatem alteri delegare non valet, *cap. proposuisti de consecr. Eccles. Barbof. de offic. Episc. alleg. 28. n. 55. Nicol. ibid.*

27. Polluitur autem Ecclesia pluribus modis. Primò effusione magna sanguinis injuriosa ex violentia facta in ipsa Ecclesia. Secundò seminis humani publica voluntaria effusione illicita, sive per copulam conjugalem. Tertio sepultura Cadaverum Hæreticorum, Infidelium, & Excommunicatorum. Quarto si Ecclesia reconcilietur per Episcopum publicè excommunicatum. Quintò occisione hominis in ipsa Ecclesia, quamvis sanguis non effundatur, puta quia laqueo

Monacelli Form. Pars I.

suspensus, vel suffocatus fuit, Barbof. *de jur. Ecclesiast. univers. lib. 2. cap. 4. à n. 16. ad 25.*

28. Verum adverte, quod ad hoc, ut Ecclesia dicatur polluta, ut indigeat reconciliatione, requiritur, quod supradicta delicta sint publica, Piafec. *prax. Episc. part. 1. cap. 2. art. 4. num. 8.* & quod fiant in ipsa Ecclesia: nam si contingerent in Sacratio, in Atrio, & in Campanili, Ecclesia non remaneret polluta, ut docent Barbof. *loc. cit. num. 26.* & Nicol. *lucubr. can. lib. 5. tit. 39. de pollut. Eccles. n. 252. limit. 3.*

29. Dedicacionis autem dies desumpta ex *cap. 4. Machab.* ab Episcopo ex justa causa potest transferri in alium diem magis congruum, ad evitandam concurrentiam aliorum Officiorum, Speculat. *consult. 4. part. 3. rubr. 52. Sacr. Congregat. Episc. in responsione ad primum Dubium propositum à Suffraganeo Brixionen. sub die 4. Febr. 1585.*

Licentiæ Erectionis Confraternitatis.

FORMULA XI.

SUMMARIUM.

- 1 Confraternitati laicorum non debent ascribi homines male vitæ, nec hi, qui ignorant rudimenta fidei.
- 2 Confratres ascripti debent exercere opera pietatis, & misericordiæ.
- 3 Confraternitas debet habere Sacerdotem Cappellanum.
- 4 Regulares non possunt instituere Confraternitates cum usu Saccorum.
- 5 Confraternitates laicorum cum usu Saccorum, an possint cogi ad interessendum processionibus, referuntur Decreta, & n. 6. & 7.
- 6 Confraternitates ad Processiones funerum non accedunt nisi invitentur: neque cadavera defunctorum deferunt, quando hæredum beneplacitum non concurrat.
- 7 Confraternitates à locis, in quibus reperiuntur erectæ, & institutæ, possunt liberè discedere, & expelli.

○

10 Con-